

Nije sve u oštrijoj kaznenoj politici

U Sarajevu se u protekla tri dana na međunarodnoj konferenciji govorilo o rodu i pravosuđu

Sarajevo je u protekla tri dana bilo domaćin konferencije Međunarodne perspektive o rodu i pravosuđu: teorija i praksa, na kojoj se govorilo o nasilju nad ženama, rodnim predrasudama, porodičnom pravu, planiranju porodice i ograničenjima u izboru žene, koju je organizovala Atlantska inicijativa uz podršku Ambasade Kraljevine Švedske u Bosni i Hercegovini. Ambasadorica Kraljevine Švedske u BiH Johanna Stromquist istakla je važnost rada nevladinih organizacija i cjelokupnog sistema u borbi protiv nasilja u porodici i društvu.

krivičnom djelu silovanja posveti dodatna pažnja u pravosudnim institucijama u BiH. Rezultati su pokazali neujednačenu praksu sudova u razmatranju otežavajućih i olakšavajućih okolnosti, te nedovoljno uzimanje u obzir posljedica krivičnog djela silovanja na mentalno zdravlje žrtve. Statistike pokazuju da se u BiH oko 20 posto slučajeva krivičnog djela odnosi na silovanje. Počiniteljima su izrečene minimalne kazne za ovu vrstu djela, a u deset posto slučajeva izrečena je uslovna osuda.

Predsjednik Općinskog suda u Tuzli Muhamed Tulumović je re-



Konferenciju je organizovala Atlantska inicijativa uz podršku Ambasade Švedske u BiH

Prof. dr. Ulrike Schultz sa Fern Univerziteta Hagen u Njemačkoj govorila je o značaju roda, rodnim predrasudama u sudskom odlučivanju i postavila pitanje: da li muškarci i žene prosuđuju drugačije u sudskom odlučivanju?

Istraživanja o nasilju u porodici su pokazala da se u sudskim postupcima ovo djelo, uglavnom, sankcioniše uslovnom osudom, te da se ovakvi slučajevi u našoj zemlji razmatraju bez adekvatnog osvrt na dinamiku nasilja i kontekst unutar kojeg se nasilje odvija. Na međunarodnoj konferenciji je istaknuto da tokom pokreta #MeToo u BiH žene nisu javno govorile o svojim iskustvima, što, kako je upozoreno, ne odražava pravu sliku ovog problema. Istraživanja OSCE-a iz 2019. pokazala su da je 28 posto žena bilo izloženo nekom obliku seksualnog uznemiravanja, ali da je veoma mali broj završio pred sudom.

Atlantska inicijativa je 2017. provela istraživanje na osnovu kojeg je ukazala na potrebu da se

kao da je nužno nastaviti obuke i edukacije sudija, tužilaca i policije, te omogućavati dodatne edukacije o međunarodnim standardima.

Kad je u pitanju rodno zasnovano nasilje kod nas, kako je kazala dr. Majda Halilović iz Atlantske inicijative, "na konferenciji smo mi iz BiH kritikovali blagu kaznenu politiku i bili saglasni da je potrebno pooštriti kaznenu politiku za djela nasilja u porodici i djela silovanja".

- Međutim, neka iskustva stranih izlagača nam govore da ključ nije samo u kaznenoj politici već da je potrebno imati i specijalne programe rada sa počiniteljima i to naročito kad je u pitanju nasilje u porodici. Potrebno je mijenjati cijelo društvo, jer se i nasilje dešava unutar jednog šireg sistema i ako taj sistem odražava generalno rodnu neravnopravnost, onda će iskorjenjivanje nasilja teško ići, rekla je ona.

Na konferenciji je učestvovalo 35 međunarodnih i domaćih predavača.

DI. O.

Nezakonite uniforme

Bh. konzorcij proizvođača policijske i vojne opreme upozorava da u nezakonitoj uniformi policajci Kantona Sarajevo već šest godina štite zakon i red.

Dodaju da je odluka o opremanju sarajevskih policajaca donijeta u suprotnosti s Ustavom FBiH i podsjećaju premijera FBiH Fadila Novalića da poglavlje III, član 4. Ustava FBiH

jasno predviđa jedinstvene uniforme policije na teritoriji cijele FBiH, s kantonalnim oznakama. Navode da su u proteklom periodu bh. kompanije koje se bave proizvodnjom policijske i vojne opreme pretrpjele ogromne štete zbog nezakonitog djelovanja u pojedinim institucijama te najavljuju i podnošenje tužbi zbog kršenja Ustava i zakona.

Iz Livanjskog kanto

Da ovdje rijetki vide budućnost, govore projekcije da od 84.127 stanovnika s popisa 2013, u Kantonu 10 stalno živi tek njih 50.000

Piše: **SLAĐAN TOMIĆ**

U mjesnoj zajednici Vinice, koja graniči sa Hrvatskom, a od Tomislav-Grada je udaljena 32 kilometra, vrijeme kao da je stalo. U okolnim selima više je kuća nego mještana. Oni koji tu žive su 2011. tražili od opštinskog načelnika Ivana Vukadina ulaganje u puteve, novu elektro i vodovodnu mrežu, a tadašnji predsjednik mjesne zajednice priča nam šta se od tada uradilo:

"Urađeno je dosta. Napravljeno je igralište, struja je opravljana kako gdje, ne može odmah sve u svakom selu", govori tadašnji predsjednik MZ Vinice Ivan Mamić Barba.

Loše politike

No, čini se da su vlasti zakasnile jer je igralište pusto, a osim naše ekipe,

na njemu smo zatekli samo macu, koja začudeno gleda u nepoznata lica. U Kantonu 10 rijetki su htjeli pričati o politici zbog straha od odmazde, ali o posljedicama loših politika saznajemo kroz priču s ljudima koji ne žive od nje.

"Našoj mjesnoj zajednici nedostaje sve. Nema omladine, nema mladosti. Ostali stari, eto šta nam nedostaje", priča nam Barba zabrinut što livanjski kraj izumire.

Pokazuje nam i kuću svog daljeg rođaka Zdravka Mamića koji, iako u egzilu u BiH, ne živi u svom selu, a pitanje je i ko će sada prolaziti putevima. Da je Kanton, koji zauzima 20 posto teritorije FBiH, zapostavljen, svjedoči i činjenica da je najbliži gra-

nični prelaz za promet robe udaljen 126 kilometara od Livna. Zaobilaze ih veći infrastrukturni projekti, a mještani su, kažu nam, u sjeni Mostara. Da ovdje rijetki vide budućnost, govore projekcije da od 84.127 stanovnika s popisa 2013, u Kantonu 10 stalno živi tek 50.000.

O životu Viničana, opštinski načelnik Ivan Vukadin nije htio govoriti jer je zauzet nečim drugim - borbom za vlast, što je i trebalo da bude jedna od tema razgovora. Dok se obični, mali čovjek, bori za život dostojan 21. vijeka, u HDZ-u traje borba za prevlast.

Trinaesti mjesec od izbora vlasti nema zbog želje dva tabora unutar HDZ-a BiH da zauzmu premijersku fotelju.



Nigdje žive duše u centru Livna

Uskoro pregovori o Vladi

Sjednica Skupštine HNK-a prošla je jučer u hvalospjevima upućenim izvršnoj vlasti

Skupština HNK-a jučer je razmatrala tri važna zakona koja su ranije prošla na Vladi i davno još upućena u skupštinsku proceduru. Posebno važan je, prema riječima članova rukovodstva, zakon o socijalnoj zaštiti, koji predviđa otvaranje centra za maloljetnike koji ubuduće budu krivično gonjeni, kao i prihvatnih centara za maloljetnike koji se zateku tokom prosjačenja ili skitanja u gradovima i općinama ovog kantona. Zakon je predložen u formi nacrtu, zbog težnje da se svi poslanici detaljno upoznaju s njim, te da se na koncu i usvoji kvalitetan akt.

Kandidati

Predsjedavajući Šerif Špago pred početak je govorio o radu aktualne Vlade, koja je, kako reče, uspješno

okončala i 2018, iako je to bila izborna godina koju je otežala kampanja.

- Rad Vlade može dobiti prolaznu ocjenu. Mnogi planovi su ostvareni, Kanton je finansijski stabilan, riješeni su i brojni naslijeđeni problemi iako uvijek kažem da može više i bolje. Danas ćemo čuti šta, prema mišljenju opozicije, nije bilo dobro, a očekujemo i njihove konkretne prijedloge

Posljednji sastanak delegacije HDZ-a BiH i SDA u HNK-u održale su u martu, nakon čega je nastupilo zatišje

koji bi mogli poslužiti kao smjernice za rad buduće Vlade, rekao je.

Raduje ga i to što su procesi u HNK-u konačno otkočeni, a što je bio jedini predušlov za nastavak pregovora o formiranju nove izvršne vlasti. Uvjeran je da će predstavnici kantonalnih organizacija stranaka pobjednica uskoro za isti sto, te da će Kanton uskoro dobiti novi saziv Vlade. Optimizam po ovom pitanju ne krije ni mandatar za sastav Vlade, aktuelni premijer Nevenko Herceg. Očekuje punu podršku stranaka kako bi se što je moguće prije došlo do kandidata za sve resore.

- Raduje što su procesi otkočeni i nadam se da ćemo u tom duhu nastaviti i u bliskoj budućnosti. Kratkoročno, želimo do kraja godine u punom kapacitetu raditi na rebalansu prora-